

21 July 2024

समे-18:15 Hrs



Headlines

- 1 प्रधानमंत्री नरेंद्र मोदी होर अज्ज संझा नमीं दिल्ली च विश्व विरासत समिति दी बैठक दा उद्घाटन करंगन।
- 2 संसद दे बजट इजलास शा पैहले सद्दी गोदी सब्बनें पारिं दी बैठका च सरकारै सदन गी बवस्थित ढंगे नै चलाने च सब्बनें दा सैहयोग मंग्गेआ ऐ।
- 3 लेफ्टिनेंट गवर्नर मनोज सिन्हा होरें अवाम की अवाज कार्यक्रम च कारगिल युद्ध दे शहीदें गी श्रद्धांजलि अर्पित कीती।
- 4 सीमा सुरक्षा बल-बी.एस.एफ. दे महानिदेशक नितिन अग्रवाल होरें जम्मू दे अंतरराष्ट्री बन्ने पर सुरक्षा स्थिति दा जायजा लैता।
- 5 श्री अमरनाथ जी दी जातरा दे पैहले 22एं दिनें दरान 3 लक्ख 86 जहार शा मते श्रद्धालुएं बाबा बर्फानी हुंदे दरबार च मत्था टेकी लैता ऐ।



PM-World Herigate

प्रधानमंत्री नरेंद्र मोदी होर अज्ज संझा 7 बजे नमीं दिल्ली दे भारत मंडा म च विश्व विरसे सरंधी कमेटी दे 46-में सत्र दा उद्घाटन करंगन। इस मौके ओह किट्ठ गी संबोधित बी करंगन। भारत पैहली बारी विश्व विरसे सरबंधी बैठका दी मेजबानी करा रदा ऐ जेड़ी जे इस म्हीने दी 31 तरीक तगर जारी रौहग। एह बैठक साल च इक बार लगदी ऐ ते एह कमेटी गै विश्व विरसे सरबंधी सब्बै मुद्दें दा प्रबंधन ते इस विरसे दी लिस्ट च औने आहिलयें थाहरें दा बी फैसला लेंदी ऐ। बैठक दौरान विश्व विरासती लिस्ट च नमियें थाहरें दे ना देने सरबंधी प्रस्ताव, अंतरराष्ट्रीय मदाद ते इस गितै दिते जाने आहली मदाद गी इस्तेमाल करने ते होरनें चीजें उपर चर्चा कीती जाग। अणे संदेश च प्रधानमंत्री मोदी होरें आखेआ जे इस कमेटी दी मेजबानी करा रदा ऐ जेड़ा जे बड़ी गै खुशी आहली गल्ल ऐ। अणे सोशल मीडिया पोस्ट च श्री मोदी होरें आखेआ जे ओह इस बैठका च शामिल होने गितै इच्छुक न ते देसै दे विरसे ते विचारें गी सांझा करने दा एह इक्क अहम मंच ऐ।

<><><><><><>

All Party Meet

सरकार नै अज्ज दिल्ली च संसद दे बजट सत्र दे पैहले इक सर्व दलीय बैठक सद्दी। बैठक दौरान सरकार नै संसद दे दौनें सदनें दे सुचारू कम्मकाज गी यकीनी बनाने गितै सबै सियासी पार्टियें थमां सहयोग मंगेया। बैठका च केंद्री मंत्री राजनाथ सिंह, किरण रिजिजू, अर्जुन राम मेघवाल, जे.पी नड्डा, चिराग पासवान, रामदास अठावले, कांग्रेस नेता जयराम रमेश, गौरव गोगोई, एनसीपी नेता प्रफुल पटेल, डीएमके नेता टी.आर बालू ते तिरुची सिवा, आम आदमी पार्टी नेता संजय सिंह, AIMIM सांसद असरूदीन ओवैसी ते होरनें मजूद हे। संसद दा बजट सत्र कल कोलां शुरू होआ रदा ऐ। खजाना मंत्रीनिर्मला सीतारमण होर संसद च आर्थिक सर्वेक्षण गी रक्खंगन। एह प्रधानमंत्री मोदी हुंदे त्रीये कार्यकाल दा पैहला बजट होग।

<><><><><><><>

LG-AKW

उपराज्यपाल मनोज सिन्हा होरें 1999 च कारगिल युद्ध च बहादुर शहीदें गी श्रद्धांजलि भेंट कीती। कारगिल विजय दिवस उपर बहादुर नायकें गी चेता करदे होई उपराज्यपाल सिन्हा हारें आखेआ जे स्हाड़े बहादुर वीरें दे हिम्मत दी गाथा, अदम्य साहस ते उंदा सर्वोच्च बलिदान बेमिसाल ऐ। उनें शहीदें गी श्रद्धांजलि अर्पित कीती ते देशें गी प्रगति दी बते पर सुरक्षित

रखने लेई वीर सैनिकें प्रति अणना आभार व्यक्त कीता। उणराज्यणाल होरें अणने विचार रेडियो कार्यक्रम अवाम की अवाज दौरान सांझा कीते। उणराज्यणाल होरें आखेआ जे बहादुर जुआनें दी बहादुरी म्हेशां गै स्हाड़े दिल च जींदा रौहग ते सदा गै असेंगी प्रेरित करोग। उनें आखेआ जे जम्मू दे मेजर अजय सिंह जसरोटिया, हादुर सिंह ते हवलदार मदन लाल सोणोर दे लांस नायक गुलाम मोहम्मद खान, कुणवाड़ा दे रविंद्र सिंह ते मोहम्मद खान ते होरनें बहादुर कारगिल युद्ध दे शहीद होने आहिलियें णीढ़ियें गी सदा गै प्रेरित करंगन। उनें कार्यक्रम दौरान केईं सारे लोकें दी सफलता दी कहानी ते सुझा बी सांझा कीते।

<><><><><><>

Rajouri-Accident

जिला राजौरी च अज्ज इक गड्डी हादसे दा शिकार होई गेई ते हादसे च त्रै लोक जेदे च डरैवर दी मौत होई गेई ते होर 5 जने जख्मीं होई गे'न। आकाशवाणी जम्मू संवादाता दी रिपोर्ट मुजब अज्ज बड्डलै जिला राजौरी दे ठंडी कासी लाहके दे चालां गां कश एह हादसा होआ जेदे च 8 जने सुआर हे। हादसे दौरान दऊं लोकें दी मौत ते 6 जने जख्मीं होई गए। एह गड्डी

ठंडी कासी थमां लाम बक्खी जा'रदी ही ते चालां ग्रां कौल एह हादसा होआ। नौशहरा दे ब्लाक मेडिकल अफसर डॉ. इकबाल होरें आखेआ जे नौशहरा दे उ०-जिला अस्प०ताल च लेआंदे मौके गै मरोए दा घोषित कीता गेआ जिसले के 6 जख्मी जनै गी जीएमसी राजौरी रैफर कीता गेआ ऐ।

<><><><><><>

Guru-Purnima

गुरु पूर्णिमा इक बड़ा गै ँवित्र धार्मिक त्यौहार ऐ जिसे आध्यात्मिक गुरुएं ते शिक्षकें दे मान च मनाया जंदा ऐ। उधमपुर जिले च गुरु पूर्णिमा गी बड़े गै जोश, जबे ते रिवायतें कन्नै मनाया गेआ। इस मौके केईं सारे मंदरें च पूजा, हवन कार्यक्रम बी आयोजित कीते गे। श्रद्धालुएं आस्सेआ भंडारे ते प्रसाद बी बण्डेया गेआ। गुरु पूर्णिमा दे मौके समूलचे जिले च लोकें अ०ने-अ०ने गुरुएं दा आशीर्वाद लैता ते उनेंगी तोहफे बी दिते।

<><><><><><>

Guru-Purnima

अज्ज गुरु पूर्णिमा दा ँर्व मनाया जा'रदा ऐ। अज्जै दे ध्याड़े लोक अ०ने गुरुएं ते आचार्यें दा आभार प्रगट करदे न जिंदे मार्गदर्शन, शिक्षाएं ते

आर्शीवाद नै उंदे जीवन गी इक नमीं दिशा दिती दी ऐ। अज्जै दे ध्याड़े गी व्यास पूर्णिमा दे तौर पर बी मनाया जंदा ऐ। प्रधानमंत्री नरेंद्र मोदी होरें अज्ज गुरु पुन्नेया दे मौके पर देशवासिएं गी शुभकामनां दितियां न। देसै दे होरनें हिस्सें आंगर गुरु पुन्नेया दा पूर्व जम्मू संभाग दे बक्ख-बक्ख हिस्सें च बी पूरी धार्मिक श्रद्धा कन्नै मनाया जा रदा ऐ। इत सरबंधै च राज गुरु गद्दी श्री दशनामी अखाड़ा ते भीरम शाह गद्दी अरी मेंढर पुंछ च सैकड़ां बद्दे लोकें कार्यक्रम च हिस्सा लैता। इस मौके पर श्री दशनामी अखाड़ा पुंछ दे इक सेवक अरुण कुमार होरें आकाशवाणी कन्नै खास गल्लबात कीती। उनें दस्सेया।

<><><><><><>

DG-BSF

सीमा सुरक्षा बल-बीएसएफ दे डरेक्ट जनरल नितिन अग्रवाल होरें जम्मू अंतराश्ट्रीय बन्नै पर बनी दी सुरक्षा स्थिति दा जायजा लैता। ओह बीएसएफ जम्मू फ्रंटियर दे दऊं दिनें दे दौरै पर कल इत्थे पुज्जे हे। बीएसएफ दी च्छमी कमान दे एस.डी.जी वाई.बी खुरानिया, बी.एस.एफ जम्मू दे आई.जी डी.के बूरा ते होरनें सीनियर ऐहलकारें बी सुरक्षा हालात बारै डी.जी नितिन

अग्रवाल हुंदे नै गल्लबात कीती। आई.जी बूरा होरें उनेंगी जम्मू बन्ने ँर बीएसएफ दिएं रणनीतिएं ते सुरक्षा सरबन्धी महत्वपूर्ण ँहलुएं बारै जानकारी दिती। बीएसएफ दे महानिदेशक होरें फौज, जम्मू-कश्मीर ँलस ते होरनें केंद्री थेह्ारबंद ँलस बलें कन्नै लाई गेदी इक सांझी सुरक्षा जायजा बैठक च बी हिस्सा लैता। एहदे अलावा उनें जम्मू-कश्मीर दे लेफ्टिनेंट गवर्नर मनोज सिन्हा हुंदे नै बी मलाटी कीती।

<><><><><><><>

JK-Amarnath

जंदी 29 जून थमां शुरू होई दी श्री अमरनाथ जी दी यात्रा दरान अजें तोहड़ी ँच्छले 22एं दिनें च 3 लक्ख 86 जहार शा मते श्रद्धालुएं बाबा बर्फानी दे दरबार च मत्था टेकी लैता ऐ। आकाशवाणी दे जम्मू संवाददाता मुजब 3 जहार 113 अमरनाथ श्रद्धालुएं दा 23मां जत्था अज्ज बड्डलै मुंह-न्हेरे 123 गड्डिएं दे काफिले च भगवती नगर यात्री निवास थमां कश्मीर घाटी लेई रवाना होआ हा। इंदे चा 1 जहार 153 तीर्थ यात्री बालटाल लेई जिसले के 1 जहार 960 तीर्थ यात्री श्री अमरनाथ जी दी यात्रा दे ँहलगाम आले रिवायती रस्ते राहें यात्रा लेई रवाना होए जित्थुआं कल ओह् अमरनाथें दी गुफा लेई

अ॒नी अग्गे दी जातरा शुरू करडन। इस बरे श्री अमरनाथ जी दी एह यात्रा 52एं दिनें तोहड़ी चलोग ते 19 अगस्त गी रक्खड़ पुन्नेया आले दिन सम्पन्न होग।

<><><><><><>

Shiv Khori Savan

रियासी दी रनसू थाहर च स्थित शिवखोड़ी तीर्थ स्थान पर कल्लै थमां शिवखोड़ी श्रावण महोत्सव शुरू होआ करदी ऐ। एह श्री शिवखोड़ी श्राइन बोर्ड रनसू ते सैलसफा निदेशालय जम्मू दी इक अनौखी पहलकदमी ऐ। सोहन दे म्हीने दरान लग्गने आला एह आयोजन सब्बनें सोमवारें बड़ी धूमधाम कन्नै मनाया जाहग कीजे हिंदु मान्यता मताबक सोहन म्हीने दे सोमवारें गी बड़ा गै वितर मन्नेया जंदा ऐ। आयोजकें मेद जाहर कीती ऐ जे सोहन दे म्हीने दरान आयोजित होने आले एह बड्डे सांस्कृतिक कार्यक्रम श्रद्धालएं लेई आकर्षण दा बड़ा बड़ा केंद्र होडन ते इंदे राहें उनेंगी बक्ख-बक्ख धार्मिक गतिविधिएं जिआं शिव पुराण दी कथा, भजन-कीर्तन, भगवान शिव हुंदे पर आधारित नाटकें ते होरनें धार्मिक कार्यक्रमें च शामिल होने दा मौका मिलोग।

<><><><><><>

CBI-NEET

केंद्री जांच ब्यूरो-सीबीआई नै नीट अंडर ग्रैजुएट ँर्चा लीक मामले च होर त्रै जनें गी गिरफ्तार कीता। इंदे चा दऊं जनें राजस्थान च भरतपुर मेडिकल कालेज दे विद्यार्थी न। तकनीकी सर्वेक्षण थमां इस गल्लै दी तसदीक होई ऐ जे एह दौनें 5 मई गी म्तेहान आले दिन झारखंड दे हजारीबाग च मजूद हे। गिरफ्तार कीते गेदे त्रीये जने ँर आरोु ऐ जे ओह इस ँर्चा लीक दा षडयंत्र रचने आले गी हर चाल्ली दी मदाद देआ'रदा हा।

<><><><><><>

Mushroom-Farmers

जिला कठुआ दे करसाने दी मेहनत ते राई-बाई विभाग दी मदद कन्ने ँछले दऊं बरे दौरान मशरूम दी खेती च बड़ी क्रांति आई ऐ। इस करी नौजवान राईबाई सरबंधी उद्यमियता राएं मशरूम दी खेती च पूरे साल भर कमाई गितै आकर्षित होआ रदे न। एहदे कोलां ँहले मशरूम दी रड़ छड़ा त्रै या चार म्हीने मौसमी रूते च कीती जंदी ही। अुने अनुभव गी सांझा करदे होई नौजवान अरूण शर्मा होरें आखेआ।<><><><>